

TI. ZENA

(testo in genovese)

Testo e musica di Francesca Traverso Gardy

A mægio fra e çittæ
scignoa do mà e do sö
ti ödôi di ödôi dä stæ ti, Zena
e veie dentro ao sö
pan gianchi ochin de mâ
che se demoan 'n to bleu de onde
e o mâ o tò doçe
che o se arrigoela e o pà
un gatto in çerca de carezze
Se mi t'amìo da chi
me nasce dentro ao chêu
un grande amô pe ti ti, Zena

Chi saià mai
Zena bûgatta,
Hong Kong, Parigi, Hawai, Calcutta...
L'è meglio un "Ciao"
che "Adieu" o "Aloha"
son tanti a dilo, no l'è 'na föa

No te cangieiva
t'ou diggo in disco
con New York City, con San Francisco
Va ciù o Besagno,
no, no gh'è dúbbio
de tûtta l'ægua do blêu Danubio

Se mi t'amio da chi
de dätto a Appaiscion
ti paggi un gobelèn prezioso
recammi a no finì
intescian dentro a ti
caroggi e crêuse un pö ascose
San Loenzo, a gexia, o pa
un grande vegio che
o conta antighe stoie de Zena
mentre a Lanterna a fa
l'êugetto ao mainà
che o vegne chi a attraccà 'nto porto

Chi saià mai
Zena bûgatta,
Hong Kong, Parigi, Hawaii, Calcutta...
L'è meglio un "Ciao"
che "Adieu" o "Aloha"
son tanti a dilo, no l'è 'na foa

No te cangieiva
t'ou diggo in disco
con New York city, con San Francisco
Va ciù o Besagno,
no, no gh'è dûbbio
de tûtta l'ægua do blêu Danubio

FINALINO
'na bella donna t'è
vestìa da gran "soirée"
fascià dentro a un "lamé"
ti, Zena...
cavelli d' ou "mesciæ"